

**BAHAGIAN 4
LIBAT URUS
STRATEGIK
BERSAMA PIHAK
BERKEPENTINGAN**

PENGENALAN

Libat urus strategik bersama pihak berkepentingan adalah salah satu aspek utama komitmen SC terhadap pembangunan inklusif pasaran modal Malaysia. Ia penting untuk memastikan semua keperluan pihak berkepentingan dipertimbangkan dalam penggubalan dasar dan pelaksanaan inisiatif pembangunan.

Pada 2022, penekanan yang lebih diberikan terhadap libat urus strategik dengan semua pihak berkepentingan utama, termasuk peserta pasaran, pengantara, persatuan industri, pihak berkuasa yang lain, perniagaan, pelabur, kerajaan (kementerian, kerajaan negeri dan agensi), universiti, media, dan juga kakitangan SC. Proses pemetaan pihak berkepentingan dibuat untuk mengenal pasti dan mengkategorikan pihak berkepentingan mengikut bidang mereka dan menyesuaikan proses libat urus untuk memastikan SC dapat memenuhi keperluan dan jangkaan mereka.

Komunikasi yang konsisten dan berterusan dengan pihak berkepentingan melalui rundingan, perjumpaan satu sama satu, dialog, dan taklimat merupakan kunci yang memudahkan pelaksanaan peranan dan tanggungjawab SC secara berkesan.

Libat urus sedemikian membolehkan SC merumus dasar untuk memudahkan, mempromosi rangka kerja pengawalseliaan yang kukuh dan menggalakkan pertumbuhan serta pembangunan pasaran modal yang berterusan. Hal ini akan menjana hasil yang lebih positif sejajar dengan misi SC untuk menggalakkan pasaran modal yang adil, cekap, dan telus.

Secara dalaman, SC meneruskan libat urus dan perbincangan bersama-sama kakitangan yang banyak membantu menggalakkan lagi budaya berprestasi tinggi dan persekitaran kerja yang positif.

LIBAT URUS INDUSTRI MELALUI DIALOG TERBUKA

Dialog SC Bersama Industri 2022

Salah satu acara kemuncak tahun ini ialah Dialog Tahunan Bersama Industri (SCID). Siri SCID, yang bermula pada 2012, berfungsi sebagai platform utama untuk kami menjalankan libat urus yang mantap dengan peserta pasaran dan persatuan industri mengenai perkembangan, peluang berpotensi dan risiko yang muncul dalam pasaran modal.

SCID 2022, yang diadakan pada 19 hingga 28 Julai 2022, melibatkan kira-kira 70 peserta industri dalam empat sesi. SCID mengumpulkan peneraju industri daripada bank pelaburan, firma pembrokeran saham dan FMC untuk berkongsi maklumat, memberikan pemahaman dan membincangkan penyelesaian yang berpotensi.

Lanjutan dari sesi SCID, SC mengenal pasti empat keutamaan yang perlu ditangani. Empat bidang tersebut adalah memulihkan pelaburan swasta, menggalakkan mobilisasi tabungan yang lebih berkesan dan inklusif, menyokong peralihan yang mampan, dan menggalakkan inovasi dan pertumbuhan pasaran. Pandangan dan





input yang diperoleh, seperti isu berkenaan kekurangan bakat pasaran modal berkemahiran dan keperluan insentif cukai berterusan telah digabungkan dengan sebaik-baiknya ke dalam perumusan cadangan Belanjawan 2023 dan proses pelan perniagaan SC

Perbincangan Kumpulan Fokus Belanjawan 2023

Sebagai sebahagian daripada persiapan Belanjawan Negara 2023, SC menganjurkan sesi Kumpulan Fokus yang dihadiri oleh Menteri Kewangan, Tengku Datuk Seri Utama Zafrul Tengku Abdul Aziz dan pemimpin korporat terkemuka. Sesi yang diadakan pada 1 September 2022 itu bertujuan mengumpul pandangan dan perspektif dalam kalangan PLC untuk membantu mempercepatkan pertumbuhan ekonomi Malaysia dan sektor perniagaan.

Lima belas pegawai tertinggi daripada PLC utama menghadiri mesyuarat tersebut. Mereka mewakili pelbagai industri seperti perladangan, pembuatan, tenaga, dan media. Secara khusus, perbincangan tertumpu pada mempercepatkan pemulihan ekonomi pasca-pandemik, memanfaatkan ESG dan peluang perubahan iklim, serta menyokong pemulihan dan pertumbuhan PMKS/MTC.



Kebertanggungjawaban Bersama Untuk Mencapai Matlamat yang Disasarkan

Sebagai sebahagian daripada proses semakin bagi permohonan yang telah dikemukakan, SC mengekalkan dialog berterusan secara aktif dengan pemohon dan penasihat mereka. Sebelum mengemukakan permohonan mereka, pemohon amat digalakkan untuk berbincang dengan SC untuk menyelesaikan sebarang isu atau memperoleh penjelasan berkenaan permohonan ketika permohonan tersebut sedang diuruskan.

Sepanjang tahun 2022, SC berkomunikasi dengan industri, secara langsung dan melalui persatuan industri, untuk mewujudkan hubungan yang lebih akrab dan menggalakkan rasa pemilikan dan komitmen di kalangan semua pihak berkepentingan. Ini termasuk Persatuan Perbankan Pelaburan Malaysia (MIBA), Persekutuan Pengurus Pelaburan Malaysia (FIMM, SRO), Persatuan Pengurus Aset Malaysia (MAAM), Persatuan Pengurus REIT Malaysia (MRMA), dan Persatuan Syarikat Amanah Malaysia (ATCM). Dialog ini membolehkan pihak berkepentingan industri memberi maklum balas dan menangani perkara yang membolehkan SC mewujudkan dasar pemudah cara, rangka kerja pengawalseliaan yang mantap, dan menggalakkan pertumbuhan dan pembangunan berterusan bagi pasaran modal.

Khususnya, dalam bidang cadangan korporat, SC mengadakan sesi libat urus kumpulan fokus secara kerap dengan penasihat utama menerusi MIBA serta pihak berkepentingan industri lain seperti peguam dan jurunilai. Objektifnya ialah untuk menyediakan sebuah platform kepada SC untuk berkongsi pemerhatian utama semasa menyemak cadangan yang dikemukakan kepadanya.

LIBAT URUS BERSAMA PIHAK BERKEPENTINGAN ANTARABANGSA

Libat urus SC bersama pihak berkepentingan di peringkat antarabangsa berfungsi sebagai platform untuk menyuarakan pendapat Malaysia dalam penggubalan dasar pasaran modal di peringkat global, menyokong agenda perdagangan dan ekonomi negara dan menyumbang kepada kesalinghubungan serantau dalam ASEAN. Dalam hal ini, SC telah menjalinkan libat urus yang kerap sejak sekian lama dengan penggubal dasar asing dan rakan kawal selia melalui pelbagai forum antarabangsa dan berhubungan secara aktif dengan organisasi pelbagai hala dan persatuan industri antarabangsa. Libat urus SC bersama pihak berkepentingan antarabangsa seterusnya didorong oleh keperluan untuk memastikan perkembangan kawal selia dalam pasaran modal Malaysia sejajar dengan amalan dan



piawaian terbaik antarabangsa, dan dengan itu memastikan pasaran modal Malaysia kekal kompetitif dan relevan.

Pertubuhan Antarabangsa Suruhanjaya Sekuriti

SC mengekalkan komitmennya terhadap penggubalan dasar pengawalseliaan dan penetapan piawaian antarabangsa di peringkat global melalui penglibatan aktif dalam Pertubuhan Suruhanjaya Sekuriti Antarabangsa (*International Organization of Securities Commission* atau IOSCO), sebuah badan antarabangsa yang menetapkan piawaian antarabangsa bagi pengawalseliaan sekuriti. Keahlian IOSCO mengawal lebih daripada 95% pasaran modal dunia dalam kira-kira 130 bidang kuasa.

Pada Julai 2022, SC telah dipilih semula sebagai wakil APRC dalam Lembaga pentadbir IOSCO. Kejayaan SC dipilih semula ke dalam Lembaga IOSCO merupakan pengiktirafan penting terhadap sumbangan dan penyertaan aktif SC dan menunjukkan keyakinan ahli IOSCO terhadap SC sebagai sebuah organisasi. Keahlian SC dalam Lembaga IOSCO membolehkannya berada di barisan hadapan dalam perbincangan pengawalseliaan dan penggubalan dasar di peringkat global dan membolehkannya mendapat pemahaman yang relevan mengenai isu-isu pengawalseliaan yang baru muncul yang memberi kesan kepada pasaran modal global. Memandangkan keutamaan SC adalah mengukuhkan kerjasama rentas sempadan dalam bidang penyeliaan dan penguatkuasaan, SC menjalin kerjasama penyeliaan



dan penguatkuasaan dengan pengawal selia serantau dan antarabangsa.

Sepanjang 2022, SC secara aktif mengambil bahagian dalam usaha IOSCO untuk meneruskan lagi objektif teras pengawal selia sekuriti untuk melindungi pelabur, mengekalkan pasaran yang adil, cekap dan telus, dan menangani risiko sistemik. Ini termasuk, antara lain, kewangan mampan, aset kripto/digital dan Kewangan Desentralisasi (*Decentralised Finance* atau DeFi), tingkah laku pasaran runcit dan daya tahan operasi. Usaha tersebut membantu membimbing pengawal selia antarabangsa untuk mencapai pendekatan yang konsisten dan berkesan di peringkat global untuk mengurangkan risiko arbitraj kawal selia dan memastikan perlindungan pelabur dalam konteks rentas sempadan. Mereka juga memupuk libat urus dan kerjasama yang lebih erat dalam kalangan ahli.


Seterusnya, Hab Asia Pasifik IOSCO, yang diterajui oleh SC sejak 2017, terus memainkan peranan penting dalam mengukuhkan keupayaan pengawalseliaan pengawal selia sekuriti di peringkat global. Sebagai satu-satunya hab serantau yang ditubuhkan di luar ibu pejabat IOSCO di Madrid, Sepanyol, inisiatif pembinaan kapasiti hab tersebut terus memberi manfaat kepada sebahagian besar pihak berkepentingan domestik, terutamanya kakitangan SC. Sehingga kini, hab tersebut telah melatih lebih daripada 1,100 peserta secara kolektif dari lebih 90 negara.

Baca lebih lanjut mengenai siaran media 'SC Jalin MMoU Penyeliaan Pada Mesyuarat Pengawal Selia Global'.

 <https://www.sc.com.my/bm/sumber/siaran-akhbar-dan-pengumuman/sc-jalin-mmou-penyeliaan-pada-mesyuarat-pengawal-selia-global>

Persatuan Negara-negara Asia Tenggara

Melalui ACMF dan Jawatankuasa Kerja ASEAN mengenai Pembangunan Pasaran Modal (WC-CMD), SC menjalankan libat urus dengan pengawal selia sekuriti, bank pusat dan kementerian kewangan dari semua negara anggota ASEAN untuk meningkatkan dan memudahcara kesalinghubungan pan-ASEAN yang lebih baik untuk merealisasikan potensi pasaran modalnya yang semakin meningkat dan menggalakkan serta mengekalkan keterangkuman pasaran modal ASEAN. Inisiatif serantau yang diterajui oleh SC untuk membantu mencapai cita-cita ini termasuk ASEAN SLBS, ASEAN SRFs (sebagai Pengerusi Bersama SFWG ACMF) dan *Kewangan Mampan untuk Projek Mampan – Pek Perbualan* (sebagai Pengerusi Kumpulan Kerja Kewangan Infrastruktur WC-CMD), yang kesemuanya dilancarkan pada 2022.



Melalui aliran kerja ini, SC juga melakukan libat urus dengan organisasi pelbagai hala dan industri melalui Panel Penasihat Industri (IAP), yang melibatkan peserta pasaran dan profesional dari rantau ASEAN dan lain-lain.

Sebagai Pengerusi Kumpulan Kerja mengenai Cabaran dan Penyumberan Pasaran, Lembaga Taksonomi ASEAN (ATB), SC telah memainkan peranan penting dalam libat urus dengan pihak berkepentingan antarabangsa mengenai Taksonomi ASEAN. Melalui perundingan, acara yang disasarkan dan sesi ceramah, interaksi secara kerap dengan organisasi antarabangsa, peserta pasaran di dalam dan di luar rantau ini, serta pengawal selia dan peserta dalam sektor lain yang berkaitan.

Perjanjian Perdagangan Antarabangsa

SC menyokong dan memudahcara agenda perdagangan antarabangsa dan ekonomi Malaysia dari perspektif perkhidmatan kewangan, melalui penglibatannya dalam rundingan perjanjian perdagangan bebas Malaysia, yang diketuai oleh Kementerian Perdagangan Antarabangsa dan Industri (MITI).

Pelbagai libat urus dengan rakan kawal selia daripada sektor kewangan dan sektor lain yang berkaitan, seperti BNM dan Jabatan Peguam Negara, membolehkan SC membentuk perbincangan untuk pasaran modal Malaysia menjelang rundingan. Ini termasuk rundingan untuk perjanjian perdagangan seperti semakan ke atas Perjanjian Perdagangan Bebas ASEAN-Australia-New Zealand (AANZFTA) dan Perjanjian Perkongsian Ekonomi Persatuan Perdagangan Bebas Malaysia-Eropah (MEEPA). Libat urus berkenaan penting untuk memastikan kepentingan keseluruhan pasaran modal Malaysia dilindungi, termasuk memelihara hak untuk mengawal selia kemasukan ke pasaran modal.

MEMBANGUNKAN PASARAN MODAL YANG MAMPAN

Untuk membina dasar SRI yang berkesan dan menggalakkan pasaran modal yang mampan, adalah penting bagi SC untuk melakukan sesi libat urus dengan pembuat dasar awam. Ini bagi memastikan keutamaan strategik SRI adalah selaras dengan dasar dan komitmen negara terhadap pembangunan mampan dan sasaran iklim. Penglibatan pengantara pasaran modal dan pihak berkepentingan lain yang berkaitan juga penting bagi mencapai kejayaan inisiatif SRI dan pembangunan ekosistem SRI yang memudahcara dan rancak di Malaysia.

Penekanan penting diberikan kepada perbincangan strategik dengan perniagaan untuk lebih memahami keperluan pembiayaan mampan mereka dan meningkatkan kesedaran tentang pelbagai saluran pembiayaan SRI yang boleh diakses melalui pasaran modal. Bagi membina daya tahan iklim dalam sektor kewangan Malaysia, SC bekerjasama dengan BNM dan pihak berkepentingan industri kewangan mengenai cara untuk mempercepatkan tindak balas sektor kewangan terhadap risiko iklim.

Di peringkat serantau dan antarabangsa, SC kekal aktif dalam beberapa forum, seperti ACMF dan IOSCO, di mana ia bekerjasama dengan pengawal selia lain untuk memacu dasar kewangan yang mampan, berkongsi pengalaman dan pengetahuan, dan membangunkan pembangunan kapasiti dalam kewangan mampan. SC terus menerajui pembangunan pasaran modal mampan ASEAN bersama-sama negara anggota ASEAN yang lain dalam peranannya sebagai Pengerusi Bersama SFWG ACMF.

Untuk meningkatkan kerjasama dan perkongsian pengetahuan tentang kemampanan, SC juga bekerjasama dengan pakar teknikal global, agensi pembangunan pelbagai hala, platform kewangan mampan global dan kumpulan industri kewangan mampan terkemuka. SC kerap terlibat dalam perbincangan yang dianjurkan oleh pihak berkepentingan yang berkaitan untuk mempromosi dan meningkatkan profil Malaysia sebagai hab SRI serantau.

Baca lebih lanjut mengenai siaran media '*ASEAN Capital Markets Forum to Continue Progress on Sustainability While Building on Inclusivity and Promoting Recovery from the Covid-19 Pandemic*'.

 <https://www.sc.com.my/resources/media/media-release/asean-capital-markets-forum-to-continue-progress-on-sustainability-while-building-on-inclusivity-and-promoting-recovery-from-the-covid-19-pandemic>

Baca lebih lanjut mengenai siaran media '*ASEAN Capital Markets Forum: Addressing the Challenges Related to Sustainable Development, Inclusivity and Resiliency for the Benefit of the Member States*'.

 <https://www.sc.com.my/resources/media/media-release/asean-capital-markets-forum-addressing-the-challenges-related-to-sustainable-development-inclusivity-and-resiliency-for-the-benefit-of-the-member-states>

Siri Pembiayaan Hijau Pasaran Modal NaviGate



Berikutan pelancaran NaviGate: Siri Pembiayaan Hijau Pasaran Modal SC pada 2021 untuk mewujudkan kesedaran yang lebih baik di kalangan perniagaan mengenai pembiayaan hijau dan mampan, SC meneruskan program di bawah siri ini. Sebanyak empat program telah dianjurkan pada 2022.

Anjuran pertama program NaviGate pada 2022, yang bertema 'Pembiayaan Alternatif bagi PMKS dalam Ekonomi Halal' telah diadakan dengan kerjasama Halal Development Corporation (HDC) dan Pasaran Modal Malaysia (CMM) pada 31 Mei 2022. Ia dianjurkan khusus untuk PMKS yang beroperasi dalam ekonomi Halal, yang telah dihadiri oleh peserta industri Halal dan PMKS.

Program NaviGate kedua, iaitu sebuah Bengkel mengenai *SRI-linked Sukuk Framework* (Rangka Kerja Sukuk Berkaitan SRI) telah diadakan pada 23 Ogos 2022. Bengkel tersebut bertujuan untuk menambah baik pemahaman pengantara pasaran modal mengenai *SRI-linked Sukuk Framework* (Rangka Kerja Sukuk Berkaitan SRI) yang baru dilancarkan, memandangkan Penasihat Utama memainkan peranan penting dalam mendidik dan menasihati syarikat mengenai struktur pembiayaan yang sesuai. Bengkel secara maya ini, yang dihadiri oleh Penasihat Utama, membincangkan komponen teras *SRI-linked Sukuk Framework* (Rangka Kerja Sukuk Berkaitan SRI), rangka kerja dalaman penerbit dan pembangunan dalam pasaran bon dan sukuk berkaitan kemampanan di peringkat global.



SC juga menganjurkan program NaviGate tertutup buat pertama kalinya di Sarawak, dengan tema 'Membiayai Pembangunan Mampan Sarawak Melalui Pasaran Modal Malaysia' pada 19 September 2022. Di acara tersebut, SC memberikan taklimat kepada wakil agensi Negeri Sarawak dan syarikat mengenai pasaran bon dan sukuk mampan.

Program NaviGate yang lain, iaitu Persidangan Sukuk Berkaitan SRI, diadakan pada 2 Disember 2022 dengan kerjasama Bank Dunia dan CMM. Persidangan tersebut dihadiri oleh penerbit, FMC, PLC, agensi berkaitan kerajaan, dan lain-lain, berikutan pelancaran terkini *SRI-linked Sukuk Framework* (Rangka Kerja Sukuk Berkaitan SRI)



Persidangan Perubahan Iklim Pertubuhan Bangsa-bangsa Bersatu ke-27



Persidangan Perubahan Iklim Pertubuhan Bangsa-bangsa Bersatu ke-27 (COP27) berlangsung di Sharm El-Sheikh, Mesir dari 6 hingga 18 November 2022. SC yang mewakili Malaysia memberikan sokongan kepada MOF dalam rundingan COP tersebut dan berkongsi perspektif SC dalam mempercepat usaha untuk memudahcara kewangan mampan dan peralihan menerusi pelbagai acara sampingan dan ceramah. Bersama-sama dengan CMM, SC juga

menyokong acara sampingan di Pavilion Malaysia, yang merupakan platform utama dan berpusat yang mempromosikan adaptasi perubahan iklim dan tindakan mitigasi Malaysia di samping inisiatif syarikat Malaysia.

SC mengambil bahagian secara aktif dalam beberapa sidang panel yang dianjurkan semasa acara tersebut berlangsung, seperti sidang panel mengenai 'Pengalaman Malaysia Dalam Memanfaatkan Kewangan Islam Untuk Membangunkan Ekosistem Kewangan Mampan', yang dianjurkan bersama oleh SC dan CMM. Ahli panel mengetengahkan kejayaan Malaysia dalam memanfaatkan kewangan Islam untuk membangunkan inovasi, serta keluasan dan kepelbagaian dalam ekosistem kewangan mampan Malaysia. Perbincangan panel yang lain adalah 'Memanfaatkan Kewangan Islam dalam Memajukan Kewangan Iklim – Pembangunan di Malaysia dan ASEAN', yang mengetengahkan pembangunan serantau dan peranan pasaran modal Islam dalam menangani jurang pembiayaan bagi Matlamat Pembangunan Mampan (SDG), iklim dan isu kemampanan yang lain.

SC juga menyertai satu sidang panel mengenai 'Sukuk Hijau untuk Tindakan Perubahan Iklim – Cabaran dan Prospek' anjuran Bank Pembangunan Islam (*Green Sukuk for Climate Action – Challenges and Prospects* atau IsDB) yang menghimpunkan pihak berkepentingan utama dalam pasaran bon dan sukuk untuk berkongsi pengetahuan dan pengalaman. Di samping itu, SC juga menyertai perbincangan panel 'Peralihan Kewangan: Di mana, Ke mana, dan Apakah kekurangan kita?' anjuran Kumpulan Kewangan Mitsubishi UFJ (MUFG) yang mengetengahkan kemajuan dan isu terkini yang dihadapi bagi mewujudkan kewangan peralihan di samping peranan bersama pengantara, penyetor piawaian, pelabur, institusi kewangan, dan syarikat bukan kewangan.



Menggalakkan Kesedaran Mengenai SRI dan Pembangunan Kapasiti Antarabangsa

Program Kepimpinan Kewangan Hijau Global anjuran Hab Bank Dunia dan Institusi Kewangan dan Kemampanan Beijing

SC mengambil bahagian dalam Program Kepimpinan Kewangan Hijau Global (*Global Green Finance Leadership Programme* atau GFLP) 2022, yang dianjurkan oleh *World Bank Group Inclusive Growth and Sustainable Finance Hub* di Malaysia dengan kerjasama Beijing's Institute of Finance and Sustainability (IFS), dari 29 November hingga 1 Disember 2022 di Sasana Kijang, Kuala Lumpur.

Dengan tema '*Scaling-up Sustainable Finance in South-East Asia*', program tersebut menonjolkan cabaran dalam membangunkan persekitaran dasar pemboleh untuk membangunkan pasaran kewangan untuk kemampan di negara membangun. Perbincangan juga tertumpu pada instrumen kewangan mampan yang inovatif dan peranan sektor kewangan dalam membantu firma dan isi rumah membina daya tahan yang lebih kukuh terhadap risiko berkaitan iklim dan risiko fizikal serta peralihan persekitaran yang lain.

Pengerusi SC menyampaikan ucap-tama di program tersebut, di mana beliau menekankan kepentingan untuk mewujudkan ekosistem kewangan mampan yang holistik bagi membolehkan ASEAN mempercepatkan usaha tindakan iklimnya sendiri dengan berkesan. Selain itu, Laporan mengenai '*Unleashing Sustainable Finance in South-East Asia*', yang diterbitkan oleh World Bank Group Inclusive Growth and Sustainable Finance Hub di Malaysia dan IFS, yang mengenal pasti cabaran dan peluang untuk pihak berkepentingan yang berbeza dalam meningkatkan kewangan mampan dalam rantau ini, turut dilancarkan oleh Pengerusi SC di majlis itu.

Persidangan Antarabangsa ACMF 2022

Pada 28 Oktober 2022, Pengerusi-pengerusi ACMF, iaitu termasuk Pengerusi SC, melancarkan ASEAN SLBS dan ASEAN SRFs di Persidangan Antarabangsa ACMF 2022 di Phnom Penh. Sebagai Pengerusi Bersama SFWG ACMF, SC mengetuai pembentukan kedua-dua set piawaian tersebut.



Di samping itu, Timbalan Ketua Eksekutif SC, Datuk Zainal Izlan Zainal Abidin, yang mewakili SC dalam Lembaga Taksonomi ASEAN, telah mengambil bahagian dalam bual bicara yang bertajuk '*The ASEAN Taxonomy: Inclusively Orienting Capital for Sustainability*'. Perbincangan itu menyentuh tentang keperluan untuk mempunyai taksonomi serantau, kebolehoperasian dan kepentingan keterangkuman kepada ASEAN.

Webinar Kemampunan Kewangan untuk Projek Mampan WC-CMD

Pada 21 April 2022, SC sebagai Pengerusi WC-CMD IFWG menganjurkan webinar untuk mempromosikan dan menggalakkan penggunaan kewangan mampan untuk projek mampan. Webinar itu dihadiri hampir 200 peserta dari semua 10 negara anggota ASEAN, dengan kebanyakan peserta merupakan wakil daripada kementerian dan agensi kerajaan yang berkaitan yang menjadi kelompok sasaran WC-CMD.



Persidangan Perikatan Pelabur Pasaran Pesat Membangun APAC ESG

Perikatan Pelabur Pasaran Pesat Membangun (*Emerging Markets Investors' Alliance* atau EMIA) dan MSCI mengundang Datuk Zainal Izlan Zainal Abidin, Timbalan Ketua Eksekutif SC untuk mengambil bahagian dalam sesi panel yang membicarakan isu ESG di Persidangan Pasaran Pesat Membangun ESG Asia Pasifik EMIA yang berlangsung secara maya pada 8 dan 9 Jun 2022.

Bual bicara tersebut, yang dikendalikan oleh Miranda Carr, Ketua ESG Gunaan & Penyelidikan Iklim, meneroka prinsip teras Taksonomi ASEAN, keadaan semasa pembangunannya, skala masa dan skop pelaksanaan dan bagaimana Taksonomi dijangka akan berfungsi secara praktikal di seluruh rantau ini. Lanjutan dari Persidangan EMIA, rakaman bual bicara tersebut telah dipromosikan melalui platform MSCI dan saluran pemasaran yang berkaitan.

Persidangan EMIA tersebut menghimpunkan pemimpin industri pelaburan, syarikat dan penggubal dasar dari seluruh rantau Asia Pasifik untuk meneliti bagaimana kumpulan tersebut melaksanakan komitmen mereka untuk mendukung tadbir urus yang baik, menggalakkan pembangunan mampan dan memperbaiki prestasi pelaburan dalam syarikat dan kerajaan yang mereka membuat pelaburan.

PASARAN MODAL ISLAM

Sebagai pemimpin global ICM, SC meneruskan usaha untuk memajukan libat urus bersama pihak berkepentingan dengan memanfaatkan kedudukan Malaysia sebagai pemimpin pemikiran ICM. Sepanjang 2022, acara ICM yang diterajui oleh SC menghimpunkan pihak berkepentingan utama termasuk cendekiawan, pengamal, pengawal selia, pengantara dan pelabur untuk memangkin perbincangan yang berkisar mengenai peranan ICM dalam memajukan pembangunan mampan, keterangkuman, kewangan sosial Islam dan fintech Islam. Pelbagai platform strategik seperti persidangan, bengkel dan forum telah menjadi daya pendorong untuk membina kejayaan libat urus pihak berkepentingan ICM di peringkat domestik dan global.

Memartabatkan Agenda Kemampanan Melalui Pasaran Modal Islam

Memenuhi keperluan pihak berkepentingan yang lebih luas adalah teras kepada objektif dan tujuan libat urus pihak berkepentingan pasaran modal Islam SC pada 2022, selaras dengan CMP3 SC. Penekanan adalah untuk mencapai ekonomi pihak berkepentingan yang didorong oleh penciptaan nilai jangka panjang, di mana perniagaan memikul tanggungjawab yang lebih besar di luar keuntungan jangka pendek dan mengambil kira keperluan semua pihak berkepentingan, daripada pemegang saham, kakitangan dan rakan kongsi perniagaan kepada alam sekitar, masyarakat, dan komuniti.

Pergerakan untuk menggalakkan kemampanan dan memelihara iklim dan masyarakat juga selaras dengan konsep *maqasid al-Shariah* (matlamat Syariah), yang menggalakkan pencapaian manfaat dan pencegahan kemudaratkan kepada masyarakat.

Persidangan Antarabangsa Kewangan Islam SC-UNDP 2022

SC dan Program Pembangunan Pertubuhan Bangsa-Bangsa Bersatu (UNDP Malaysia), dengan kerjasama Kumpulan Bank Pembangunan Islam (IsDB), Institut Perbankan & Kewangan Islam Malaysia (IBFIM), dan Institut Berkanun Profesional Kewangan Islam (CIIF) menganjurkan Persidangan Antarabangsa Kewangan Islam pada 24 dan 25 Februari 2022 secara maya. Persidangan Antarabangsa dengan tema '*Connecting the Dots: Harnessing Islamic Finance to Accelerate the Achievement of the Sustainable Development Goals (SDGs)*', merupakan kerjasama kedua antara SC, UNDP dan IsDB.

Persidangan Antarabangsa menekankan daya tarikan kewangan Islam dari segi keupayaannya untuk menggalakkan keterangkuman dan kestabilan, serta potensinya untuk mengembangkan jejak pelaburan yang bertanggungjawab dan berimpak secara sosial. Perbincangan termasuk penyelesaian dalam mencapai dan mempercepatkan kemajuan SDG dengan menempatkan kewangan Islam sebagai pemboleh utama di peringkat global. Delegasi tempatan dan antarabangsa yang menghadiri Persidangan tersebut terdiri daripada pengamal pembangunan, penggubal dasar, pengawal selia dan pakar industri.



Persidangan Meja Bulat SC-Pusat Pengajian Islam Oxford

Persidangan Meja Bulat SC-Pusat Pengajian Islam Oxford (OCIS), satu kerjasama yang telah lama terjalin antara SC dan OCIS telah dirasmikan pada tahun 2012. Objektif Persidangan Meja Bulat adalah untuk menggalakkan dan memacu kepimpinan pemikiran serta inisiatif penyelidikan dan pembangunan (R&D) untuk memajukan pembangunan global pasaran modal Islam dan mengukuhkan kedudukan Malaysia dalam kewangan Islam.

Persidangan Meja Bulat SC-OCIS yang ke-13, dengan tema *'Shaping a Stakeholder Economy for the Islamic Capital Market'*, telah berlangsung di OCIS pada 10 dan 11 September 2022. Tema ini sejajar dengan inisiatif CMP3 SC dalam membolehkan mobilisasi modal yang lebih besar kepada perniagaan yang mencipta nilai bagi pihak berkepentingan ekonomi melalui SRI dan pasaran modal Islam. Sejak penubuhannya, Persidangan Meja Bulat SC-OCIS tersebut terus menyumbang kepada usaha-usaha dalam kewangan Islam yang semakin berkembang dan meluas; menyediakan manfaat langsung dan tidak langsung dalam mengemudi perbincangan untuk pembangunan pasaran modal Islam di peringkat global.

Duli Yang Maha Mulia Sultan Nazrin Muizzuddin Shah, Sultan Negeri Perak Darul Ridzuan dan Penaung Diraja Inisiatif Kewangan Islam Malaysia menyampaikan ucapan khas di Persidangan Meja Bulat SC-OCIS yang mengumpulkan 35 perwakilan antarabangsa daripada kumpulan terpilih. Perbincangan tertumpu pada perluasan panduan *maqasid al-Shariah* untuk mempertimbangkan 'faktor luar' seperti persekitaran dan kesan sosial terhadap perniagaan, serta keperluan transformasi kewangan Islam untuk mempamerkan nilai moral dari segi kebaikan sosial dan kemakmuran bersama, dalam melengkapkan pihak berkepentingan yang lebih luas dalam sistem kewangan.



Profil Pasaran Modal Islam di Peringkat Global

Untuk memantapkan usaha Malaysia meningkatkan profil kewangan Islam di peringkat global, SC dan BNM bersama-sama menganjurkan Anugerah Diraja bagi Kewangan Islam pada 4 Oktober 2022.

Anugerah Diraja bagi Kewangan Islam 2022

Anugerah Diraja bagi Kewangan Islam (Anugerah Diraja) bertujuan untuk mengiktiraf individu berwawasan yang menyumbang secara signifikan kepada pertumbuhan kewangan Islam, ekonomi global dan kemajuan sosial masyarakat di seluruh dunia melalui pencapaian cemerlang dan idea inovatif mereka. Ia dianjurkan bersama oleh SC dan BNM di bawah inisiatif Pusat Kewangan Islam Antarabangsa Malaysia (MIFC). Anugerah Diraja diberikan setiap dua tahun sekali, dan penganugerahan pertama dilakukan pada tahun 2010.



Penerima Anugerah dipilih oleh juri antarabangsa, yang terdiri daripada cendekiawan Syariah terkemuka, ahli akademik dan pengamal kewangan, dipengerusikan oleh Tun Musa Hitam. Penerima Anugerah Diraja menerima pingat dan sijil pengiktirafan.

Tan Sri Dr. Mohd Daud Bakar diumumkan sebagai penerima keenam Anugerah Diraja bagi Kewangan Islam, yang dikurniakan oleh Seri Paduka Baginda Yang di-Pertuan Agong, diiringi DYMM Sultan Nazrin Muizzuddin Shah, Sultan Perak dan Penaung Diraja bagi inisiatif Kewangan Islam Malaysia di majlis penganugerahan yang berlangsung pada 4 Oktober 2022.

Sempena Anugerah Diraja 2022, dua kategori baharu turut diperkenalkan iaitu *'Emerging Leader Prize'* dan *'Impact Challenge Prize'*. Anugerah *'Emerging Leader Prize'* tersebut mengiktiraf dan meraikan bakat muda antarabangsa yang telah memberikan sumbangan cemerlang kepada kemajuan idea-idea inovatif dalam kewangan Islam. Anugerah sulung tersebut telah dipersembahkan kepada Umar Abdullah Mahmud Munshi, pengasas bersama dan Pengarah Urusan Kumpulan, Ethis Group.

'Impact Challenge Prize' dianjurkan dengan kerjasama *The World Bank Group Inclusive Growth and Sustainable Finance Hub* di Malaysia sebagai rakan kongsi teknikal dan disokong oleh Perbadanan Ekonomi Digital Malaysia. Ia bertujuan untuk memberi pengiktirafan kepada penyelesaian digital dan inovatif berdasarkan prinsip kewangan Islam atau pemboleh kewangan Islam, yang boleh meningkatkan daya tahan ekonomi dan komuniti sosial yang terjejas dari segi kewangan di seluruh dunia. Terdahulu, program pemecut selama enam minggu dianjurkan sebelum pemenang dipilih oleh panel hakim yang terdiri daripada wakil kanan BNM dan SC, IsDB, World Bank Group, dan industri modal teroka. *'Impact Challenge Prize'* telah dianugerahkan kepada duithape (Indonesia) dan Pod (Malaysia) dalam satu majlis pada 5 Oktober 2022 di Sasana Kijang, Kuala Lumpur.

Baca lebih lanjut mengenai siaran media 'Tan Sri Dr. Mohd Daud Bakar Diumumkan Sebagai Penerima Anugerah Diraja Kewangan Islam 2022'.

 <https://www.sc.com.my/bm/sumber/siaran-akhbar-dan-pengumuman/tan-sri-dr-mohd-daud-bakar-diumumkan-sebagai-penerima-anugerah-diraja-kewangan-islam-2022>

Meningkatkan Kesedaran PMKS

SC telah mengambil bahagian dalam pelbagai program kesedaran dengan kerjasama HDC dan Unit Peneraju Agenda Bumiputera (TERAJU) sebagai sebahagian daripada usaha untuk meningkatkan rangkuman kewangan untuk ekonomi dan meningkatkan kesedaran tentang peluang dan saluran pembiayaan

berasaskan pasaran. Sebagai pihak berkepentingan penting dalam ekonomi, PMKS masih bergantung kepada sumber pembiayaan tradisional, dan bengkel ini berusaha untuk menutup jurang pembiayaan ini dengan menghubungkan PMKS dengan RMO melalui ICM, mewujudkan lebih banyak kaedah pengumpulan dana alternatif.

SC-HDC Workshop 2022

SC, dengan kerjasama HDC dan disokong oleh CMM menganjurkan Bengkel SC-HDC 2022 sebagai sebahagian daripada usaha berterusan untuk mempergiatkan kesedaran yang lebih besar mengenai saluran pengumpulan dana alternatif dalam kalangan PMKS, khususnya melalui ECF dan pembiayaan P2P.

Bengkel ini menghimpunkan RMO, yang diluluskan oleh SC untuk memudahcara aktiviti pengumpulan dana patuh Syariah, berkongsi pandangan dan membimbing PMKS mengenai cara-cara mengumpul dana melalui platform mereka. Bengkel ini juga menampilkan syarikat yang telah mencapai kejayaan dalam usaha mereka untuk mengumpul dana melalui ECF dan pembiayaan P2P. RMO yang mengambil bahagian berpeluang memberi rundingan dan membina rangkaian dengan para hadirin di reruai yang disediakan sepanjang acara berlangsung.



MENINGKATKAN HUBUNGAN DAN LIBAT URUS BERSAMA MEDIA

Media memainkan peranan penting dalam membentuk persepsi dan pendapat orang ramai. SC meningkatkan libat urus bersama media dalam tahun 2022 melalui majlis makan tengah hari bersama editor, sidang akhbar dan taklimat media. SC juga mengeluarkan siaran akhbar, pertanyaan media, ucapan, penerbitan dan garis

panduan melalui laman web rasmi SC, www.sc.com.my dengan kerap. Libat urus berterusan dengan peserta pasaran juga dijalankan melalui persidangan, pameran dan media sosial. Pada 2022, pengurusan SC telah menyampaikan ucapan, menghadiri atau mengambil bahagian dalam kira-kira 400 acara di Malaysia dan di luar negara. Sebanyak 65 siaran akhbar telah dikeluarkan pada tahun 2022.



MEMACU KEPUTUSAN MELALUI LIBAT URUS DALAMAN

Warga kerja kami merupakan, aset terbesar kami, dan adalah penting untuk SC terus menarik dan mengekalkan bakat ketika kami memupuk organisasi berprestasi tinggi dan budaya inklusif. Libat urus dalaman yang kerap perlu untuk membantu mewujudkan persekitaran kerja yang positif di mana kakitangan berasa disokong dan dihargai.

SC, bersama dengan sebuah firma bebas, menjalankan Kaji Selidik Penglibatan Kakitangan untuk mendapatkan pandangan lanjut tentang persekitaran kerja, kepimpinan, kesejahteraan, budaya dan nilai organisasi. Maklum balas ini akan membantu dalam penggubalan amalan dan prosedur terbaik HR.

Perancangan Perniagaan dan Pendekatan Pengurusan Prestasi

Pada tahun 2022, SC memulakan proses perancangan perniagaan yang meluas dan kolaboratif untuk membangunkan peta strategi dan pelan perniagaan tiga tahun (BP2023-2025). Ini dilakukan untuk memupuk pemahaman yang lebih mendalam, perkongsian fokus dan penyelarasan dalam kalangan pelbagai kumpulan dan jabatan perniagaan.

Proses perancangan SC terdiri daripada siri perbincangan Kumpulan Perniagaan, di mana para peserta

Libat Urus Kakitangan Dipertingkatkan

SC meningkatkan libat urus bersama kakitangan pada tahun 2022, terutamanya melalui beberapa siri sesi dialog awam bersama Pengerusi. Adalah penting untuk memastikan kakitangan sentiasa dimaklumkan tentang kemajuan dan terlibat dalam dialog terbuka supaya objektif kekal selari dan kebimbangan ditangani tepat pada masanya.

membincangkan pelbagai inisiatif yang dicadangkan dan bagaimana mereka akan saling berkaitan dengan 12 Kumpulan Perniagaan dan 42 jabatan. BP2023-2025 *Management Offsite* telah dijalankan pada November 2022, di mana 115 inisiatif dimasukkan dalam beberapa kelompok dan kemudian diutamakan dalam 26 inisiatif besar.

BP2023-2025 akan disebar ke seluruh organisasi pada tahun 2023 dan semakan pertengahan tahun akan dilaksanakan untuk menilai kemajuan dan menentukan sama ada sebarang tindakan pembetulan diperlukan.

